

HOTELVAKSCHOOL A HAYA NOMBER DI BUSHIRI BEACH HOTEL

ORANJESTAD(AAN)—Ayer oficialmente pa medio di un comunicado di Servicio Informativo di Gobierno, DIARIO a bin haya sa cu a dicidi di yama e hotelvakschool Bushiri Beach Hotel, y cu esaki lo habri su portanan dia 15 di juli.

Bushiri Beach Hotel Aruba ta e parti hotelero cu ta ser maneja pa e fundacion Aruba Hospitality

Trades and Training Centre, y e hotel aki ta ofrece 50 camber pa huespednan na prijsnan razonabel.

Bushiri beach Hotel ta ofrece tur facilidadnan pa huespednan, manera piscina, restaurant, aireacondicionado, cafetaria, beach, laundry etc.

Gran parti di e trabaoonan na Bushiri Beach Hotel, lo ta den man di e estudiantenan cu ta sigui un curso na e centro di

entrenamento hotelero y un staff di profesornan ariba nan tereno.

Bushiri Beach Hotel Aruba lo ofrece facilidad di empleo na mas o menos 80 persona den diferente ramo. Ya caba personanan interesa por aplica na AHTTC situa den e edificio di hospital bieuw.

Mercado Comun Europeo a pone medianan financiero disponibel pa en-

trena personal durante dos luna largo den cualquier pais miembro di MCE.

E entrenamento lo tuma lugar prome cu e hotel y e centro di entrenamento habri su portanan oficialmente.

Te cu e fecha di awe tur trabaoonan y preparacionnan ta bay segun plan y e fundacion Aruba Hospitality Trades and Training Centre ta masha optimis-

ta cu e desarollonan.

E fundacion ta bao di presidencia di Sr. Ronny Koolman y ta trahando duro ariba e manejo di personal, programa di educacion etc. Otro miembronan ta Sres. Beti Arends y Boy Nicolaas pa Gobierno di Aruba, Jan de Ruyter y Ike Cohen pa AHATA y Sres. Richardson y Krozendijk pa FTA.

DIARIO a menciona na cuminzamento di e relato aki cu hotelvakschool a bira Bushiri Beach hotel, referiendo na e edificio cu ta den construccion ya cu aki tambe lo tin e centro di educacion AHTTC cu lo habri su porta na Augustus y cual realmente ta e Hotelvakschool.

AHTTC TA HABRI NA AUGUSTUS

ORANJESTAD(AAN)—Bushiri Beach Hotel Aruba ta habri su portanan pa huespednan dia 15 di juli di e aña aki, pero Aruba Hospitality Trades and Training Centre lo habri su portanan oficialmente pa estudiantenan cu ta desea di sigui un curso avanza, na principio di e aña

escolar 82/83 den luna di Augustus.

E programa di educacion di AHTTC ta consisti di 6 diferente seccion: Accounting, Front Office, Food & Beverage Service, Food & Beverage Production, Housekeeping y Property Operation.

E idioma oficial lo ta in-

gles pero tambe lo haci uso di spaño, hulandes y papiamiento.

E centro di entrenamento ta equipo cu aparatura manera video, biblioteca moderno y otro facilidadnan necesario pa un estudio profesional.

E exigencia minimo pa ser admiti pa cualquier curso ta edad di 17 aña y mester bay over di segundo pa tercer aña di huishoudschool, LTS etc.

Un estudiante por sigui cualquier curso y despues di un aña e ta haya un certificado.

Despues di un aña e estudiante por escohe un otro materia y na final e ta haya un diploma cu el a sigui dos aña di estudio na Aruba Hospitality Trades

Sigi lesa pagina 7.....

ABC NEWS A PROMOVE ARUBA

ORANJESTAD(AAN)—Durante e espacio di noticia ABC News na canal 7 na Estados Unidos dialuna ultimo, Aruba un biaha mas a haya propaganda turistico gratis.

Den e dianan aki gran parti di noticia Norteamericano ta ser dedica na frieldad cu ta pasando na New York y otro partinan di Estados Unidos.

Na e mesun momento e periodistanan ta ofrece e Norteamericanonan otro alternativanan pa scapa di e frieldad.

Nan ta ofrece un bon vacacion den e islanan di Caribe cu playanan blanco y yen di solo.

Mientras cu ta ser haci menciona di nomber di varios isla den Caribe, por a mira ariba e pantalla e reciente poster promocional di Aruba cu ta bisa: "ARUBA" One happy island

Come".

Oficina di turismo di Aruba na New York a manda e informacion importante aki pa Aruba ya cu e ta ser considera como un propaganda gratis na beneficio di nos industria di turismo.

SEA VISPAO...
AVISA
DEN



PAGINANAN GEEL
YAMA
VAD 24550 PA
INFORMASHON



Ayer Raad van Toezicht en Advies di Sociale Verzekeringsbank a reuni na Aruba. Tabata presente e miembronan di Raad: R. Elhage, presidente, srta. Chatlein, secretaria, Michael Kuiperi, vice presidente, dr. Dulgaram, y sres. Aardsmaal, H. Geerman, Frans Wernet y Fichi Lacle.

Na e ocasion aki a tuma despedida di sr. Frans Wernet kende a tuma retiro como hefe di S.V.B. Aruba.